

Evening Dogri (NSD)

17-Sept.. 2026

खास खबरां

1. प्रधानमंत्री नरेन्द्र मोदी होरें नमीं दिल्ली च “Semicon इंडिया-2026” दा उदघाटन कीता। उ’नें आखेआ जे भारत दा Semiconductor सरिस्ता तेजी कन्नै विस्तार करा’करदी ऐ ते नवाचार ते विकास लेई नमें मौके पैदा करा’रदी ऐ।
2. केन्द्रीय मंत्री अश्वनी वैष्णव होरें आखेआ जे सरकार नै भारत च Semiconductor दी जरूरत दे परिदृश्य च चिप Design करने लेई, 200 स्पार्ट-अप्स ते कम्पनियें गी समर्थन देने दा लक्ष्य तय कीता ऐ।
3. प्रधानमंत्री नरेन्द्र मोदी हुंदे जन-सेवा दे 25एं बरे दे मौके पर बी.जे.पी. दा इक म्हीने दा देशव्यापी “सेवा संकल्प अभियान” अज्जै थमां शुरु होआ करदा ऐ।
4. “पी.एम. विश्वकर्मा योजना” नै अज्ज त्रै बरे पूरे करी लैते ना।
5. भारत नै पाकिस्तान दी अमरीका च 11 सितम्बर गी होए दे हमले लेई जिम्मेवार आतंकिंग गी मुनासब माहौल मुहेय्या करोआने लेई सख्त नुक्ताचीनी कीती ऐ।
6. पुरुष क्रिकेट च भारत अज्ज नमीं दिल्ली च टी-20 अंतराष्ट्रीय श्रृंखला दे अखीरी मैच च अफगानिस्तान कन्नै मैच खेडोगा।

<><><><><><>

PM Semicon

प्रधानमंत्री नरेन्द्र मोदी होरें आखेआ ऐ जे दुनिया गी नमें ते भरोसेमंद विनिर्माण केंद्रें दी लोड ऐ ते भारत इस जरूरत गी पूरा करने दी तैयारी करा’रदा ऐ। नमीं दिल्ली दे यशोभूमि च अज्ज सेमीकॉन इंडिया 2026 दा उद्घाटन करदे होई, श्री मोदी होरें एहू गल्ल आखी। उ’नें देशै गी आलमी सतह दी विनिर्माण चुनौतियें दा सामना करने लेई भरोसेमंद ते तैयार केंद्र करार दित्ता। प्रधानमंत्री होरें आखेआ जे आर्टिफिशियल इंटेलिजेंस-ए.आई दे जुग च ध्यान छड़ा ट्रांजिस्टर दे आकार थमां हटियै पूरी प्रणाली गी किट्टे जोडने पर केंद्रित कीता जा’रदा ऐ। श्री मोदी होरें आखेआ जे इक बक्खी साढ़ी अर्थबवस्था तेजी कन्नै अगगे जा’रदी ऐ, ते उत्थे गै दुई बक्खी भारत पर वैश्विक भरोसा बी बधा करदा ऐ। उ’नें आखेआ जे चुनौतीपूर्ण वैश्विक म्हाौल दे बावजूद, भारत ने 7 इशारिया 8 फीसद दी विकास दर हासल कीती ऐ। प्रधानमंत्री होरें आखेआ जे इससै बेल्लै, जपान दी क्रेडिट रेटिंग एजेंसी ने बी भारत दी संप्रभु रेटिंग गी उन्नत कीता ऐ। उ’नें आखेआ जे देशै दा हर इक नागरिक विकसित भारत दे निर्माण लेई

वचनबद्ध ऐ। श्री मोदी होरें आखेआ जे भारत दे सेमीकंडक्टर तंत्र च तेजी कन्नै विस्तार होआ 'रदा ऐ ते एहदे'नै नमिएं काह्डें, रास-पूंजी ते विकास दे नमें मौका खुल्ला करदे न। इस मौके उपपर इलेक्ट्रॉनिकी ते सूचना प्रौद्योगिकी मंत्री अश्विनी वैष्णव होरें आखेआ जे भारत केई दहाकें थमां सेमीकंडक्टर संयंत्र स्थापत करना चांहदा हा, पर एह छड़ा प्रधानमंत्री नरेन्द्र मोदी हुं'दे नेतृत्व च गै मुमकन होई सकेआ ऐ। उ'नें आखेआ जे हुन बुनियाद रक्खी दिती गेदी ऐ ते साढ़ी अगली पड़ां सेमीकंडक्टर 2.0 दे माध्यम कन्नै विनिर्माण गी बढावा देना ऐ, जेहड़ा 6 प्रमुख थम्में पर केंद्रित ऐ। इंदे च सेमीकंडक्टर डिजाइन, मशीनां ते समग्री, मेमोरी, सिलिकॉन, कंपाउंड ते लॉजिक फैब्रिकेशन यूनिट ते शोध ते विकास शामिल न। श्री वैष्णव होरें आखेआ जे सरकारै सेमीकंडक्टर दी बक्ख-बक्ख जरूरतें गी पूरा करने लेई भारत च चिप डिजाइन करने दे मकसद कन्नै 200 स्टार्टअप ते कंपनियें गी सहायता प्रदान करने दा लक्ष्य तय कीता गेआ ऐ।

<><><><><><>

Prez/VP-PM B'Day

राश्ट्रपति द्रौपदी मुरमू ते उपराश्ट्रपति सी.पी. राधाकृष्णन होरें प्रधानमंत्री नरेन्द्र मोदी होरें'गी उन्दे जन्म-दिन पर अज्ज बधाई दिती। इक सोशल मीडिया पोस्ट च राश्ट्रपति मुरमू होरें पिच्छले 25एं बरे च मोदी हुंदी मिसाल कायम करने आली “लोक सेवा” ते “राश्ट्र निर्माण” च योगदान दी बडेयाई कीती। उपराश्ट्रपति राधा कृष्णन होरें आखेआ जे मोदी हुंदी दूरदर्शी अगुआई च भारत, दुनिया दी इक उज्जवल थाहर दे तौर पर चमकदा ऐ ते तेजी कन्नै बधदी मठोंदी बड्डी अर्थ-बवस्थाएं च एदा शुमार ऐ।

कांग्रेस अध्यक्ष मल्लिकार्जुन खडगे ते विपक्ष दे नेता राहुल गांधी होरें बी अज्ज प्रधानमंत्री नरेन्द्र मोदी होरें'गी उन्दे जन्म दिन पर बधाई दिती।

<><><><><><>

LG-PM Modi

उपराज्यपाल मनोज सिन्हा होरें अज्ज आखेआ ऐ जे प्रधानमंत्री नरेन्द्र मोदी हुंदे नेतृत्व तैहत जम्मू-कश्मीर बड़े मते विकास ते कल्याणकारी योजनाएं दी असरदार अमला-आवरी दा गवाह बनेआ ऐ। प्रधानमंत्री नरेन्द्र मोदी हुंदे जरम-ध्याड़े दे मौके पर अज्ज पत्रकारें कन्नै गल्लबात करदे होई सिन्हा होरें आखेआ जे पिच्छले केंई बरे दे दरान साढ़े देसै, ढांचागत विकास, सार्वजनिक कल्याण ते आर्थिक विकास च बड़ी महत्वपूर्ण प्रगति हासल कीती ऐ। उ'नें आखेआ जे सबनें शा मते जोखिम आली 5 अर्थबवस्थाएं थमां अव्वल दर्जे दी 5 अर्थबवस्थाएं धोड़ी पुज्जने दी भारत दी जात्तरा बड़ी शानदार रेही ऐ ते देसै 7.8 फीसद दी विकास दर हासल कीती ऐ। एल.जी होरें आखेआ जे बक्ख-बक्ख कल्याणकारी योजनाएं मुख भरै च लोकें गी लाह हासल करोआया ऐ।

<><><><><><>

LG-Child Care Homes

एदे शा पैहले एल.जी सिन्हा होरें श्रीनगर च बच्चें दी दिक्खभाल आले संस्थानें-पलाश ते परीक्षा दा दौरा लाइयै, उत्थे बच्चें कन्नै प्रधानमंत्री हुंदा जन्मदिन मनाया ते उनें'गी तोहफे बी बंडे। उ'नें लोकें गी गुज़ारश कीती जे ओह प्रधानमंत्री मोदी हुंदे जरम-ध्याड़े दे सरबंध्य च म्हीना-भर चलने आहले कार्यक्रमें च बधी-चढ़ियै हिस्सा लैन ते इ'नें कार्यक्रमें गी सार्थक ते मती भागीदारी आला बनान।

<><><><><><>

Foreign Diplomats-PM B'Day

नमीं दिल्ली च केंई विदेशी राजनयिकें ते मिशनें, प्रधानमंत्री नरेन्द्र मोदी हुंदे 76में जन्म दिन पर उनें'गी तहदिले कन्नै शुभकामना दितियां न, जिसले के उन्दी अगुआई च दुनिया भरै दे मुखै कन्नै भारत आसेआ, सांझा कीते गेदे नजदीकी रिश्ते ते टिकाऊ सांझेदारी गी बी दर्शाया ऐ। रुस दे राष्ट्रपति व्लादीमीर पुतिन होरें अज्ज प्रधानमंत्री नरेन्द्र मोदी हुंदे 76में बरे गंड पर बधाई दिती ऐ ते दौने मुखें बश्कार खास ते विशेषाधिकार प्राप्त रणनीतिक सांझेदारी गी मजबूत करने च उन्दे योगदान दी सराहना कीती। भारत च, रुस दे दूतावास नै अपने इंस्टाग्राम पर पी.एम मोदी उन्दे लेई, राष्ट्रपति पुतिन हुंदे संदेश गी सांझा कीता ऐ।

भारत च अमरीकी दूतावास नै अमरीकी राष्ट्रपति डोनाल्ड ट्रम्प हुंदी पेठा, पी.एम होरें'गी जन्म दिन दी दिलै कन्नै शुभकामना दिती।

<><><><><><>

BJP Seva Sankalp

प्रधानमंत्री नरेंद्र मोदी हुं'दे जनसेवा दे 25 ब'रे पूरे होने दे उपलक्ष्य च बी.जे.पी दा म्हीने भर चलने आह्ला राष्ट्रव्यापी 'सेवा संकल्प अभियान' अज्जै थमां शुरू होई गेआ ऐ। अगले म्हीने दी 17 तरीक तगर चलने आहले इस 'सेवा संकल्प अभियान' दे हिस्से दे तौर उपपर अभियान दे पैहले दिनै गी 'सेवा दिवस' दे रूपै च मनाया जा'रदा ऐ, जेह्दे तैह्त्त मुल्ख भरै च रक्तदान शिविर आयोजित कीते गे न। पार्टी अध्यक्ष नितिन नवीन होरें नमीं दिल्ली च पार्टी मुख्यालय च रक्तदान शिविर दा उद्घाटन कीता। नवीन होरें पार्टी दे होरनें नेताएं ते कार्यकर्ताएं दे कन्नै आपूं बी खून दान कीता। इस मौके पर संवाददाताएं कन्नै गल्लबात करदे होई बीजेपी दे प्रमुख होरें आखेआ जे मुल्ख भरै च पार्टी कार्यकर्ता इ'नें रक्तदान कैपें च हिस्सा लै करदे न। उ'नें आखेआ जे प्रधानमंत्री मोदी हुं'दे नेतृत्व च नागरिकें दे जीवन च व्यापक बदलाव आया ऐ। श्री नवीन होरें आखेआ जे प्रधानमंत्री मोदी हुं'दे नेतृत्व च भारत 2047 तगर 'विकसित भारत' दे लक्ष्य गी हासल करने लेई विकास दी बतै पर तेजिआ कन्नै अगड़ा बधा करदा ऐ।

<><><><><><>

PM Public Service

प्रधानमंत्री नरेंद्र मोदी जनसेवा दे 25 ब'रे पूरे करा'रदे न। जनसेवा से देशसेवा दे मंत्र ते सेवा ते सुशासन दी प्रतिबद्धता दे कन्नै एहू जात्तरा अज्ज बी जारी ऐ। इस्सै नजरिये दे कन्नै सरकार ब'रे 2047 तगर विकसित भारत दे लक्ष्य गी हासल करने दी दिशा च लगातार कम्म करा'रदी ऐ। समावेशी विकास ते समाजी सशक्तिकरण दे राहें लोकें दे जीवन च सकारात्मक बदलाव आहने दे जतन कीते जा'रदे न। 'सेवा संकल्प अभियान' दी इस बशेश श्रृंखला च अज्ज अस गल्ल करगे जे दफा 370 गी हटाने दे कन्नै इक राष्ट्र-इक संविधान दे नजरिये गी किस चाल्ली हकीकत च तब्दील कीता गेआ। प्रधानमंत्री नरेन्द्र मोदी होरें श्रीनगर च ओकड़े संवैधानिक बदलाव दे पैमाने पर लोऽ पाई ही जेह्दा गवाह जम्मू-कश्मीर 5 अगस्त 2019 गी बनेआ हा। दफा 370 गी हटाने दे कन्नै खित्ते दे प्रशासनिक ते सियासी ढांचे च इक बड़ा बदलाव आया ते एहू बदलाव अज्जै बी जकीनी सतह उपपर साफ दिक्खेआ

जाई सकदा ऐ। जम्मू-कश्मीर ने इस अवधि दरान ढांचागत विकास, सैलसफा ते धार्मिक सैलसफा सने संपर्क दे खेत्तरे च जबरदस्त विकास दिक्खेआ ऐ। एह्दे अलावा आतंकवादी गतिविधिएं च कमी आई ऐ ते पत्थरबाजी दिआं घटनां भलेआं बंद होई गेइयां न। इस बदलाव करी जम्मू-कश्मीर च रास-पूंजी आई ते औद्योगिक गतिविधिएं गी बल मिलेआ ते कन्नै रोजगार दे मौकें च बी बाद्दा दर्ज कीता गेआ ऐ। इक वरिश्ठ राजनीतिक कार्यकर्ता हाकिम रूहुल्ला गाज़ी होरें जम्मू-कश्मीर दे विकास बारै बचार सांझे करदे होई आखेआ जे दफा 370 हटने दे बाद खित्ते च सैलसफा, संपर्क, ढांचागत विकास, रास-पूंजी ते सुशासन ज्हेहू खेत्तरे च बड़ी तब्दीलियां आइयां न।

<><><><><><>

PM Vishavkarma 3 Years

प्रधानमंत्री विश्वकर्मा योजना दे अज्ज त्रै ब'रे पूरे होई गे न। इस योजना तैहत 30 लक्ख लाभार्थीएं दे पंजीकरण कीते जाने दा लक्ष्य पूरा होई चुके दा ऐ। इस योजना दी शुरूआत प्रधानमंत्री नरेंद्र मोदी होरें 2023 च कीती ही। चिन्हित बवसायें च लग्गे दे रिवायती कारीगरें ते शिल्पकारें गी संपूर्ण सहायता आधुनिक उपकरण, कौशल ते बजार तगर पुज्ज ते संपर्क प्रदान करिए उंदे रिवायती कौशल गी मजबूत करना ऐ। भलेआं लौह्के-लौह्के ते दरमयाने दर्जे दे उद्योगें सरबन्धी मंत्रालय कोलकाता च योजना दी त्री ब'रे'गंड मनाग।

<><><><><><>

DG-NSD

समाचार सेवाएं सरबन्धी प्रभाग (NSD) आकाशवाणी दे महानिदेशक राजीव कुमार जैन होरें अज्ज नमीं दिल्ली च आकाशवाणी दे अहाते च अफसरें ते होर दुए अमले गी स्वच्छता प्रतिज्ञा दोआई। इस मौके पर समाचार दे अतिरिक्त डायरेक्टर जनरल एस. सुब्रमण्यम होर बी मौजूद हे। एह प्रतिज्ञा अज्जै थमां अगले म्हीने दी 2 तरीके तगगर मुल्खै च जारी “स्वच्छता ही सेवा -2026” अभियान दे हिस्से दे तौर पर कीती गई ही।

<><><><><><>

Govt. Refutes Videos

सरकार नै ऑनलाईन चलन च आये दे इक वीडियो दा खंडन कीता ऐ। एहदे च IAF मिग-29 लड़ाकू जहाजें दे लैंडिंग दौरान पायलट दी गलती कारण हादसे दा शिकार होई गेआ ऐ। प्रैस सूचना ब्यूरो दी तथ्य जांच इकाई नै आखेआ ऐ जे एह वीडियो फर्जी ऐ ते पाकिस्तानी दुश्प्रचार कन्नै जुड़े दे इक एकाउंट आसेआ एहदा प्रसार-प्रचार कीता जा'रदा ऐ। सरकारै दस्सेआ ऐ जे इस दावे च दस्सी गेदी फुटेज, इक वीडियो गेम दी ऐ। तथ्य जांच इकाई नै लोकें गी आखेआ ऐ जे ओ केन्द्र सरकार कन्नै जुड़ी दी कुसै बी संदिग्ध समग्री दी जानकारी factcheck@pib.gov.in पर करन।

<><><><><><>

India Criticizes Pak

भारत नै पाकिस्तान दी सख्त नुक्ताचीनी कीती ऐ जे एह आतंकवादियें लेई इज़ाजत देने आहला माहौल मुहेइया करोआंदा ऐ, जेदे कन्नै पाकिस्तान च आतंकियें दे गढ़ ते अमरीका च 11 सितम्बर गी होए दे आतंकवादी हमले लेई जिम्मेदार अल-कायदा दी अगुआई बशकार सिद्दा-सिद्दा सरबंघ दर्शांदा ऐ। अफगानिस्तान दे हालात बारे संयुक्त राष्ट्र सुरक्षा परिशद दी बैठक च बोलदे होई भारत दे स्थाई प्रतिनिधि पी. श्री हरीश होरें अंतराष्ट्रीय समुदाय गी आखेआ जे ओह 11 सितम्बर दे हमले दे शिकार लोकें गी चेत्ता करन ते न सिर्फ आतंकवादियें दे खलाफ कार्रवाई करन, सगुआ उ'नें लोकें दे खलाफ बी कार्रवाई करन, जेड़े उन्दी मदद ते उनें'गी माली मदाद मुहैया करोआंदे न।

<><><><><><>

CM-JK House

केन्द्र शासत प्रदेश जम्मू-कश्मीर दे मुख्मन्त्री उमर अब्दुल्ला होरें पंजाब दे अमृतसर च नमें सिरेआ सोआरे गेदे “जम्मू-कश्मीर हाऊस” दा उदघाटन कीता। इस विरासती सम्पत्ति दा दर्जा बधाइयै इस'गी आधुनिक सुविधाएं कन्नै लैस कीता गेआ ऐ तां जे जम्मू-कश्मीर थमां उत्थे जाने आलें गी रौहने दी इक अरामदायक ते किफायती सुविधा हासल होई सकै, कीजे एह थाहर अमृतसर च बड़ी महत्वपूर्ण थाहरें दे नेड़े स्थित ऐ। इस सुविधा दा दर्जा बधाने आली गैंह, भारत दे बड़े शैहरें च जारी जम्मू-कश्मीर सरकार दी संस्थागत विस्तार योजना

ਦਾ ਗੈ ਇਕ ਹਿਸ਼ਸਾ ਏ, ਜੇਹਦੇ ਤੈਹਤ ਨਮੀਂ ਦਿਲੀ ਚ ਮਜ਼ੂਦਾ ਸੰਪਤਿਓਂ ਦਾ ਮਰੰਮਤ, ਸੁਧਾਰ ਤੇ ਦਰਜਾ
ਬਧਾਨੇ ਮਤਲਲਕ ਕੰਮ ਤੋਫ਼ ਜਾ'ਰਦੇ ਨ।

<><><><><><>

Men's Cricket

ਪੁਰੁਸ਼ ਕ੍ਰਿਕੇਟ ਚ ਭਾਰਤ ਅੱਜ ਦਿਲੀ ਦੇ ਅਰੁਣ ਜੇਟਲੀ ਸਟੇਡਿਅਮ ਚ ਅਫਗਾਨਿਸਤਾਨ ਖਲਾਫ ਟ੍ਰੈਂਡ
ਟੀ-20 ਅੰਤਰਾਸ਼ਟਰੀ ਖ਼ੇਡੋਗ। ਏਹ ਮੈਚ ਭਾਰਤੀ ਸਮੇਂ ਮਤਾਬਕ ਸੰਯਾ
ਸਾਡੇ 7 ਬਜੇ ਯਾਨਿ ਕਿਸ਼ ਚਿਰੇ ਪਰੈਂਟ ਸ਼ੁਰੂ ਹੋਆ ਰਦਾ ਏ।

<><><><><><>